


## 4 PELICULA DEN AIRE LIBER



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## MINISTER MADURO DI FINANSA TA LAMENTA CU PARLAMENTARIO MARISOL TROMP NO POR CONTROLA SU RABIA

Enves di mira den cura di otro, bay  
controla e fiestanan den bo cura di cas  
na Malmok

**NUL  
KOMMA  
NUL**  
0,0

## CAS MARIE TA HABRI NAN SEGUNDO LOCALIDAD: MAMA TIES E prome logro di proyecto



## MINISTER ENDY CROES A PRESENCIA E MOMENTO HISTORICO, UNDA CU E PROME 28 GRADUADONAN DI MON PLAISIR COLLEGE HAVO A RICIBI NAN DIPLOMA





# 4 PELICULA DEN AIRE LIBER



Biblioteca Nacional Aruba ta yama tur mucha bin wak pelicula den Aire

liber. 4 siman tras di otro tin presentacion. E presentacion di pelicula



ta cuminsa otro siman. E prome siman ta pasa e animation 'Wish', e siman despues 'The Super Mario Bros movie', e di tres siman 'The secret life of pets 2' y por ultimo 'Paw patrol: the mighty movie'.

San Nicolas: Biblioteca ta presenta e mesun pelicularnan tanto na Oranjestad como na

biblioteca na San Nicolas pa tur mucha di San Nicolas y besindario. Presentacionnan ta cuminsa diaranson dia 17 di juli, asina ta sigui 24 di juli, 31 di juli y e ultimo presentacion ta diahuebs dia 7 di augustus.

Oranjestad: Presentacion na Playa ta tur diahuebs anochi patras di biblioteca.

Prome presentacion ta diahuebs dia 18 di juli, 25 di juli, 1 di augustus y e ultimo presentacion ta diahuebs dia 8 di augustus. E presentacionnan ta gratis y ta cuminsa 7or. Tur mucha y nan mayornan ta bon bini. Tur presentacion ta gratis y ta cuminsa 7or. Pues, por bay biblioteca cu tur amigo, ruman y bisiña.

## MINISTER GEOFFREY WEVER: TUR CUENTANAN ANUAL DI FREEZONE ARUBA N.V. ENTREGA Y APROBA



Diaranson 10 juli 2024 - Minister di Asuntonan Economico, Comunicacion y Desaroyo Sostenibel, mr. Geoffrey Wever, hunto cu director di FreeZone Aruba N.V. drs. Greg Peterson y Presidente di

Raad van Commissarissen sr. Patrick Brown, a aproba e jaarrekening di añanan 2020-2023 den un shareholder's meeting.

FreeZone Aruba N.V. ta un compania estatal

cu pais Aruba como e unico accionista, y ta cai bou responsabilidad di ministerio di Asuntonan Economico. Cu condicionnan faborabel pa establece den e Free Zone di Aruba, metanan

di FreeZone Aruba N.V. ta atrae inversionnan internacional, promove y maneha e facilidadnan di Free Zone y promove un Free Zone di clase halto y reconoci mundialmente.

Aprobacion di cuentanan anual di FreeZone Aruba N.V. a tuma lugar den dos fase. Na oktober 2022 despues di 10 año, minister Geoffrey Wever a aproba e jaarrekening di añanan 2012 - 2019. Cu aprobacion di e cuentanan anual den dos fase, fase 1 jaarrekening 2012 - 2019 den 2022 y fase 2 jaarrekening 2020 - 2023

den 2024 FreeZone Aruba N.V. como compania estatal awor ta up to date.

"Como compania estatal bo mester tin bo jaarrekening up-to-date y entrega na tempo. Mi ta contento cu awo jaarrekening di FreeZone Aruba N.V. ta up to date.

Mi ta kere den potencial di FreeZone Aruba N.V. como un actor importante den desaroyo di un economia diversifica y moderno na Aruba.", segun Minister Geoffrey Wever.



# MINISTER MADURO DI FINANSA TA LAMENTA CU PARLAMENTARIO MARISOL TROMP NO POR CONTROLA SU RABIA\*

Enves di mira den cura di otro, bay controla e fiestanan den bo cura di cas na Malmok



Ta masha notable cu ultimo tempo Parlamentario Marisol Tromp no por contene su rabia riba e hecho cu e maneho serio di Minister Maduro di Finansa pa atende cu finansa publico di nos Pais ta dunando su fruta. Un hecho cu ta wordo conclui den varios raport di expertonan financiero di Banco Central, CAFT, IMF, EBA etc etc. E hecho cu poco tempo atras hasta e Executive Director di IMF a bin te Aruba pa

informa con contento nan ta cu e recuperacion di Aruba y e contenido positivo di e ultimo raport di CAFT riba e cifranan di aña 2023, parce tambe tin Parlamentario Marisol Tromp basta rabia, ya cu constantemente e ta busca algopa critica e mandatario di finansa cune. \*Tur pregunta a haya contesta\* E Parlamentario a haci pregunta por escrito y den reunion publico, y Minister Maduro a contesta tur pregunta den placa chikito


pa e Parlamentario por compronde, ya cu Marisol tin casi 30 aña den politica, pero lamentablemente ainda no ta domina finansa publico.

\*Baha rabia riba cacho\*

Sinembargo e Parlamentario no a keda contento cu e contestanan y a baha su rabia ta traha yen di video, tik tok, etc pa haci chercha y baha su gal riba e mandatario. Ultimo aki Marisol a recurri pa bay baha su nervio riba e cachonan y un par di puppies di Minister Maduro, bisando cu e mandatario no lo por handle ni su cachonan na cas, corda finansa publico.

\*Rabia ta domina Marisol atrobe\*

Aki atrobe Marisol ta bolbe demostra cu e no por domina su rabia y cu e ta NUL KOMMA NUL na contenido pa hiba un debate basa riba informacion financiero.



Awo Marisol kier hala atencion negativo door di baha su beis riba cachonan di e mandatario. Ta e mesun rabia aki ta locual a hiba Marisol haci ful un spektakel den Parlamento y riba dje gaña cu e Vice Presidente Dammers lo a dal e na su cara. E ta un berguensa cu un politico versa manera Marisol, no por controla su rabia y pesey mester sinta gaña pa hala atencion.

\*Bay controla fiestanan den bo cura\*

Minister Maduro ta di opinion cu enves cu Marisol sinta mira e cachonan den cura di e mandatario su cas, e bay controla e fiestanan den su mesun cura. Ta eyan e berguensa ta sinta ora bo mira videonan ta circula di fiesta di tener na Malmok yena cu alcohol y unda tur cos por. Esey ta un berguensa cu Marisol mester bay atende den su propio cura, enves di baha su rabia riba algun cacho na otro cas.

## DEN ORANAN DI ANOCHI PA MAINTA UN AUTO A PASA DAL AUTO NA SERO BLANCO Y SIGUI CORE BAY

Diaranson mainta a drenta informe di un accidente na Sero Blanco, mesora a dirigi un patruya na e sitio. Na yegada di e patruya a

bin compronde cu un auto a pasa dal un Honda Fit staciona y e auto a sigui core bay.

Polis a keda di check

e number di auto riba camara di seguridad pa asina bay enbusca di e auto y e chauffeur cu a sigui core bay.






Minister Xiomara Maduro ta informa:  
**COLECCION ARUBA TA HAYA ATENCION INTERNACIONAL**

Recientemente Aruba su Plataforma Coleccion Aruba tabata den noticia internacional. E mandatario ta informa cu Sra. Ali Rogin, un reportera y corresponsal di PBS News a traha un segmento den noticia tocante con e cambio di clima ta afectando e paisnan chikito cu ta mas vulnerabel. Pa e ocasion aki ela concentra riba Tuvalu, un nacion insular consistiendo di shete isla den Pacifico cu ta disparciendo poco poco. Alabes sra. Rogin a duna atencion na e portal digital Coleccion Aruba enfatisando e importancia pa preserva archivonan, documentonan, grabacionnan cu ta herencianan cultural cu ta vulnerabel pa e efectonan di cambio di clima. Coleccion.aw ta e archivo digital mas

grandi na Papiamentu y ta brinda acceso liber na archivo digital di documento, potret, video y grabacionnan di Aruba. Efectonan di cambio di clima Pa e parti di Tuvalu, e reportera a entrevista un Minister di Asuntonan di Exterior, sr. Simon Kofe y un representante di Nacionnan Uni di Tuvalu, sr. Tapugao Falefou cu a splica e retonan cu e pais chikito aki ta encontra door di e cambionan di clima. Sra. Rogin ta splica cu e cambio den clima, no solamente por haci daño na infraestructura pero tambe e ta forma un peligro pa archivonan, documentonan y otro artifactonan, ya cu esakinan por wordo destrui y asina por perde un parti importante di



historia general y historia cultural di un pais. Importancia di digitalisacion di documento Durante e grabacion di algo mas cu seis minuut, e reportera a entrevista sra. Kate Knibbs cu a skirbi un articulo tocante e colaboracion entre Coleccion Aruba y Internet Archive, cu ta e Plataforma digital cuta 'host' Coleccion

Aruba. sra. Knibbs a elabora riba e importancia di digitalisacion di documentonan. Coleccion Aruba Pa e parti di Coleccion Aruba, e reportera di PBS News a entrevista Sr. Peter Scholing, investigado na Biblioteca Nacional Aruba y e iniciado di Coleccion Aruba y tambe e historiado y autor dr. Adi Martis. Sr. Scholing ta splica

dicon ta importante pa preserva herencia cultural digitalmente, especialmente awor cu e cambio di clima cu e temperatura ta subi. dr. Martis ta brinda informacion tocante con eficiente Coleccion Aruba ta pa e como investigado, na momento cu e tabata investiga por ehempel tocante e esclavitud na Aruba.

**DESPUES DI A SALI FOR DI ROTONDE PONTON RIBA E.J."WATTY" VOS BLVD. CHAUFFEUR A HALA BANDA DRECHI DAL OTRO AUTO**

Diaranson mainta a drenta informe di un accidente na salida di rotonde Ponton, mesora a dirigi un patruya na e sitio. Na yegada di e patruya a bin compronde cu e chauffeur di e Ford Edge saliendo for di e rotonde na e banda robes di e caminda y a bay hala na man drechi pero e no a mira e auto na su man drechi y a bay dal riba dje. Afortunadamente ningun hende a resulta herida.





# A INTERCEPTA LANCHA Y CANTIDAD DI DROGA

yola cu droga Diamars den ora nan di marduga a tuma nota di moveshon straño di un boto den direccion di parti nort oost di Aruba. Inmediatamente a tuma contacto cu miembro nan di Cuerpo Policial (KPA) pa asina informa nan di e suceso. Unidad nan di Wardacosta y KPA a bai na e localidad pa asina bin topa cu un lancha tipo 'yola' riba tera. A detene un persona cu tawata na e sitio ainda. Tambe a tuma nota di diferente pakete den e boto pero tambe

pafo den bisindario di e boto. Inmediatamente, unidad nan di KPA a inicia un buskeda den e area y a bin topa cu 3 persona adicional. Ta trata di un total di 4 persona di sexo masculino. Dos di nan cu nacionalidad Venezolano y dos cu nacionalidad Colombiano. Ta trata di un cantidad considerablemente grandi di droga. A detene tur 4 persona y tambe a confisca e boto cu su contenido. Tur droga a ser destrui.



## MINISTER GEOFFREY WEVER: CURSO DI FINANSA DEN MI HOGAR NA SANTA CRUZ



E curso Finansa Den Mi Hogar a continua na Santa Cruz despues di a wordo ofreci den Village San Nicolas, Madiki Kavel y Jaburibari. "Meta di e curso Finansa Den Mi Hogar ta pa nos hendenan ricibi guia y conocimiento cu por yuda nan tuma decisionan financiero cu ta beneficia su propio desaroyo personal y familiar", segun minister

Geoffrey Wever.

Finansa Den Mi Hogar ta un programa di educacion financiero desaroya pa Fundacion Plan di Bida. Fundacion Plan di Bida cu su presidente sra. Paloma Tromp tin como mision trece conscientisacion financiero den nos comunidad, ofreciendo guia con pa maneha nos finansa mas efectivo.

Despues di e prome edicion exitoso, a dicidi cu e di dos edicion di e curso Finansa Den Mi Hogar lo wordo duna dentro di e districtonan mes e biaha aki - mas cerca y accesibel pa e ciudadonan - y un bes mas, cu participacion completamente gratis.

Na Aruba 3 di 10 hogar ta gasta mas di nan entrada tur luna segun sondeo di Banco Central di Aruba. E desaroyo aki ta uno preocupante pasobra e ta indica cu cada luna ta un reto pa hogarnan cumpli cu tur necesidad y responsabilidadnan financiero manera entre gasto pa vivienda, cuminda, y prestamonan personal. Como consumidor ta importante pa sa ki impacto cada decision financiero tin riba nos cartera y nos hogar.

"Ta nos compromiso



pa sigui ofrece e curso gratis y haci posibel cu tur ciudadano por yega facilmente y participa activamente na curso Finansa Den Mi Hogar", segun e mandatario. "P'esei e segundo edicion di Finansa den Mi Hogar ta wordo ofreci den bario, mas cerca di cas unda hunto cu bisiñanan

personanan por participa", segun minister Geoffrey Wever.

Pa mas informacion y registracion pa e segundo edicion di Finansa den Mi Hogar portuma contacto cu Fundacion Plan di Bida via telefon 5688848 of email finansadenmihogar@gmail.com



Prome Minister Evelyn Wever-Croes:

UN TOTAL DI 212 ALUMNO DI EPB SAN NICOLAS A  
COMPLETA NAN ESTUDIO EXITOSAMENTE

"Aruba mester di futuro profesionalnan y mirando e cantidad di graduadonan ta  
yena mi di speransa pa un miho futuro"



Diamars anochi na Renaissance Convention Center a tuma luga e ceremonia di graduacion di EPB Sanicolas, na unda un total di 212 alumno a gradua, pa un porcentahe di 93% di scol. E grupo aki ta e prome graduadonan di e Arubaanse Beroeps

Opleiding (ABO) MBO nievau 2, cu ta consisti di 3 sector, Unidad Servicio, Unidad Technico y Unidad Economia.

Unidad Servicio ta conta cu un total di 74 graduado, cu a completa nan estudio exitosamente pa bira

un "host" profesional. Unidad Technico ta duna e alumnonan e oportunidad di siña tur loke ta encera "ICT Support", y tambe ta conta cu un total di 74 graduado. Por ultimo Unidad Economia cu e enfoke riba "Assistant Business Services" tin un total di 64 graduado.

Prome Minister Evelyn Wever-Croes tabata presente na e ceremonia aki, y tabata tin e oportunidad di duna un discurso, na unda el a dirigi su mes na e graduadonan cu un bunita mensahe. El

a expresa; cu atendiendo e ceremonianan di graduacion di varios scol, ta yen'e cu emocion, recordando asina tempo su mesun yiunan a gradua, mirando cuta momentonan importante pa e alumno cu a gradua y pa e mayornan. P'esey pa su persona ta un honor di por ta presente na e ceremonianan aki, na unda e por comparti e bunita momento aki cu cada un di nan.

"Mi ta felicita tur e graduadonan cu e logro grandi aki. Awor boso ta bay drenta den un etapa

nobo, na unda boso futuro ta depende di boso mes. Tambe mi ta gradici tur docente cu den tempo bon y malo semper a sa di pone bienestar di nan alumnonan na prome luga. Por ultimo mi ta gradici e mayornan pa a kere den nan yiu, y pa a duna nan e sosten necesario pa nan por a completa nan estudio exitosamente. Nan logro ta boso logro tambe. Aruba mester di futuro profesionalnan, y mirando e cantidad di graduadonan ta yena mi di speransa pa un miho futuro", Prome Minister a expresa.

CAMBIA PERSPECTIVA  
TOCANTE OBESIDAD:  
SA BO NUMBER Y MIDI  
BO PESO





# Minister Endy Croes: AVONDHAVO-VWO A CELEBRA NAN CEREMONIA DI GRADUACION



Diasabra ultimo, Ceremonia di Graduacion di Avondhavo-Vwo a tuma luga den e prestigioso ballroom di Embassy Suites. Minister di Enseñansa y Deporte Endy Croes tabatin e honor di comparti un momento asina special di e graduadonan. E aña aki 48 estudiante a ricibi nan diploma di Havo y 11 estudiante a ricibi nan diploma di Vwo. Minister Endy Croes a hiba palabra, felicitando e graduadonan cu a logro aki.

Durante e ceremonia di graduacion, a anuncia e miho graduado di Havo, esta Shannon Rob. Ademas di esaki, a anuncia e miho graduado di Vwo, esta Juan Gomes cu tin 56 aña di edad. Sr. Juan Gomes ta un polis den funcion, kende 2 aña pasa Minister

Endy Croes a entrega su diploma di Havo. Durante su discurso, Minister Endy Croes a para keto riba “Lifelong learning”. “Boso sigui educa boso mes y desaroya boso habilidnan. Enseñansa ta e arma mas poderoso cu tin pa cambia mundo. Gobierno di Aruba ta percura pa tin plataforma suficiente pa tur persona di Aruba tin e acceso na esaki y sigui educa nan mes”, e mandatario di Enseñansa a expresa. Minister Endy Croes a encurasha tur hende pa haci uzo di e plataformanan aki. Pa finalisa, e mandatario di Enseñansa y Deporte a gradici directora Nathalie Wever, staf y docentenan di Avondhavo- Vwo cu a contribui den e desaroyo di e alumnonan. Alabes, ta gradici e famia cu a duna sosten na e graduadonan



pa logra nan meta. – Vwo cu a ricibi nan determinacion bo ta logra, Finalmente, a felicita e diploma exitosamente. graduadonandi Avondhavo Cu deseo dedicacion y

**Clasificados**

Icons: car, house, shopping cart, car, tools, people.

CLASSIFIEDS

SOLODIPUEBLO@GMAIL.COM  
CEL. 585 9500

SOLO Di Pueblo



# MINISTER ENDY CROES A PRESENCIA E MOMENTO HISTORICO, UNDA CU E PROME 28 GRADUADONAN DI MON PLAISIR COLLEGE HAVO A RICIBI NAN DIPLOMA



: Diasabra den un esfera festivo na Hilton ballroom, a tuma luga e prome Ceremonia di Graduacion di Mon Plaisir College Havo. E mandatario di Enseñansa y Deporte Endy Croes, mayor-, famia-, docente- y amistad tabata presente pa celebra e momento historico, unda cu e prome 28 graduadonan a ricibi nan diploma di Havo. Un momento bunita y emocionante tabata ora e graduadonan a drenta e sala den nan toga pa ricibi nan diploma. Durante e Ceremonia di Graduacion, Minister Endy Croes a hiba palabra. Den nomber di Gobierno di Aruba, e mandatario di Enseñansa y Deporte a felicita e graduadonan cu nan logro.

“Den bida tin hopi momento cu nos ta celebra, desde cu bo a nace, bo cumpleaños y mas cu claro ora cu bo ricibi bo diploma. E ta un momento cu ta trece hopi alegria y sigur di celebra. Boso mayor y famia ta hopi orguyoso di loke cu boso a logra awe. Pues sinti bo orguyoso di e

trabou cu bo a eherce, paso e no tabata facil. Nos sa cu den e proceso kisas un mas cu otro tabatin mester di un sosten y motivacion. Na e momento ey, e mayor ta hunga un rol hopi grandi”, e mandatario di Enseñansa a subraya. “Na e mayornan pabien di boso yiu y danki pa e sosten cu boso a brinda nan pa nan por a keda desaroya y prepara nan mes pa futuro. Fuera di esaki, mi ta gradici e docentenan y ekipo completo di Mon Plaisir College Havo cu a traha hunto pa yuda e alumnonan etala y finalisa nan estudio.

Na e graduadonan masha pabien cu boso diploma. E diploma cu boso a ricibi ta di bo, bo determinacion, perseverancia y trabou duro a hiba bo na e logro aki. E diploma cu bo a ricibi, ningun hende por kit’e di bo. Den bida bo por perde un amistad, auto of cas, pero e diploma ta pa semper di bo. Sigui bo curason, sigui bo sueño, paso educacion ta e arma mas poderoso cu por uza



pa cambia mundo y cambia bo pais. Mas miho bo ta prepara, mas miho pa bo mes,” Minister Endy Croes a expresa. Finalmente,

Minister Endy Croes ta gradici S.P.C.O.A., rector di Mon Plaisir College Havo Sra. Richelle Noël, docente- y mayornan cu

a contribui den e logro di e graduadonan y ta desea tur graduado hopi exito den futuro.



# Minister Ursell Arends: CAS MARIE TA HABRI NAN SEGUNDO LOCALIDAD: MAMA TIES E prome logro di proyecto Pasadia



Minister Arends ta orguyoso pa extende felicitacion na henter e ekipo di Cas Marie pa nan trabou pa logra habri nan di dos localidad, Mama Ties. E energia, dedicacion, y amor cu nan a bin ta demostra pa nos adultonan mayor ta algo cu nos tur por ta orguyoso di dje.

Na September aña pasa, directiva di Cas Marie a presenta nan plan di expansion pa 2024. Un plan cu ta alinea cu e vision cu Ministerio tin pa nos adultonan mayor. E realidad ta cu e cantidad di hende cu demencia ta creciendo rapidamente aki na Aruba, pues no tabata tin duda cu mester a amplia capacidad pa

por cumpli cu e demanda creciente.

Den menos cu un aña, e apertura a tuma luga den curason di Santa Cruz, celebrando hunto cu Famia Croes y Cas Marie, e logro significativo aki. Cas Marie ta un partner importante den e Proyecto di Pasadia, un proyecto principalmente pa adultonan mayor cu ta core riesgo di keda socialmente isola. Cu e apertura di Mama Ties, nos por orguyosamente bisa cu menos adulto mayor lo core e riesgo ey.

"Mi ta sigur cu awe ta un momento sumamente emocional pa Famia Croes, pa Cas Marie pero pa nos Ministerio tambe. Un logro cu tabata rekeri colaboracion di hopi man y curason nan. Curason pa crea un ambiente unda cada adulto mayor por sinti nan mes balora y aprecia," Minister Arends a expresa durante su discurso.



E apertura di Cas Marie na Mama Ties ta un bunita proyecto cu sigur tin un significacion grandi pa henter famia Croes, kendenan a pone e hogar di nan mayornan disponibel pa sirbi un meta hopi importante pa nos pais.

Palabra di pabien na Cas Marie pa e gran paso aki

cu ta un testimonio di un futuro yena cu posibilidad y oportunidadnan positivo pa e bienestar di nos adultonan mayor. Minister Arends a conclui reafirmando su confiansa, cu basa riba e dedicacion cu nos a bin ta mira pa cas di Mama Ties, Aruba lo logra hopi mas pa nos adultonan mayor.





# FORTALEZA PA FAMILIA

Scirbi pa Pastor Marcel Balootje.

## BURACHERIA TA UN PICA Y NO UN HOBBY, E TA TRECE BERGUENSA CUNE

\*Tin ley cu ta prohibi un hende pa maneha cualkier tipo di vehiculo ora e ta bao di influencia di alcohol. Pero diariamente e ley ey no ta wordo respeta.

\*Tin miles di aviso medico cu alcohol ta peligroso pa salud, pero e aviso nan aki no ta wordo tuma na cuenta.

\*A keda proba cu e uso di alcohol for di chiki ta stroba crecemento, enseñansa y estudio di un mucha, pero nos ta confronta casonan caminda mayornan mes ta siña mucha chiki pa bebe.

\*Ta prohibi pa bende alcohol cu menor di edad, pero nos por mira tur caminda con hobennan ta consumi alcohol manera ta juice nan ta bebe y alcohol di marca renombra cu e preis ta mas halto cu hopi cuminda cu tin mester den cas, y e bendedor di alcohol ta bisa bo, cu ta e hoben su tata mes ta dune placa pa compra alcohol.

\*Tin un tipo alcohol cu ta

costa mas o menos 90 florin pa botter y esey a bira e favorito di hobennan, pero tristo cu e hoben ta bebe alcohol pero e no tin placa pa paga scol, kiermen e ta lanta den un ambiente irresponsabel.

Alcohol no ta respeta gremio ni tampoco integridad, e spirito di alcohol y buracheria ta un spirito cu ta gusta rebaha hende, falta respet pa hende, haci hende irresponsabel, causa accidente, causa mierto, y hiba hende na tur clase di inmoralidad y bagamunderia.

Tin hende ta bisa cu cerbes y biña no ta bibida sterki, pero ora nan dal nan auto den rotonde o basha un palo di lus abao, nan ta bisa ta djis dos cerbes ma dal.

Awor pa e ser femenino alcohol no ta nada bon, pasobra un muher burachi ta rebaha su mes drasticamente.

Ay di esnan cu ta campeon den bebemento di biña y hombernan experto den mesclamento di bibida ster-

ki. (Isaias 5:22).

Un hende burachi no tin comunicacion cu Dios, un hende burachi no por sirbi Dios, un burache no por carga e posicion di lider of representante den ningun organisacion, y es mas ainda ora ta papia di liderasgo di un pais.

Ta dolor ora mayornan ta mara den alcohol, pasobra facilmente abuso, violencia, maltrato por tuma lugar

den cas, y e responsabilidadnan di cas no ta haña e atencion necesario, pasobra tur placa ta wordo bebi.

E cantidad di hende cu tin deficiencia fisico, pa motibo di accidente bao di influencia di alcohol, no ta registra pa asina otronan por cohe culpa y stop di bebe.

Mester tene bon cuenta cu locual e Palabra di Dios ta bisa cu hende burachi lo no hereda e reino di Dios.(Galationan 5:19-21).

\*No papia mes cuanto matrimonio ta kibrando pa motibo di uso alcohol, cuanto hende no a perde nan trabao den oficina pa motibo di alcohol, cuanto robo di alcohol tin bao di empleadonan cu ta traha

den Horeca y cuanto no ta alcoholico y a perde trabao y añanan di servicio.

E trend di bebemento ta un direccion hopi malo cu nos poblacion ta den dje, pero locual ta mas duro ta cu e ta afectando nos hubentud, tanto masculino como femenino, y no tin control riba bebemento

No ta tur hende cu ta bebe tin un problema, pero tur hende cu ta bebe ta causa problema pa nan mes y pa otro hende, door cu bo no por depende riba nan pasobra ora bo pensa cu nan ta bon na tino, nan ta mal bebi, cu nan no ta responsabel pa nada.

Sinceramente, Pastor Marcel Balootje.

## Maravillas de la Fe

Bo ta sufri di un malesa nan cu no no por cura? Manera artrosis, Alzheimer, demencia, depresión, diabetes osteoporosis, párkinson, insomnio, dolor di barica, weso migren dolo di barica, dolo di wesu, lomba, ect? Bo ta bebe remedi i bo no ta cura? Bo ta victima di bruheria? comunica na MARAVILLAS DE LA FE na 748 56 71

Bo no tin suerte? bo placa no ta jega? Bo ta compra number i bo no ta gana? Bo ta bai casino i perde tur bo placa? Invidia, mala suerte? comunika na 748 56 71

Bo tin problema di amor? Bo pareha ta gaña bo? Fracaso, soledad, angustia. comunika na

Comunica na 748 56 71

748 56 71



## Obituario

Publica serka nos anuncio di fayecimento di bo ser keri. Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera

Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na 585-9500 of na 741-4554



# CELEBRACION DI 55 ANIVERSARIO DI SITIO DI ORACION NA T.L. 128



Fundacion Venerable Jose Gregorio Hernandez a cuminsa celebra dia 26 di juni 2024 cu oracion pa nan grupo. Dia 27 di juni tabata Grupo Rumannan den Oracion Dr. Jose Gregorio Hernandez di Dakota y dia 28 di juni, Grupo di Orashon Dr. J.G. Hernandez Bonaire a cera e di tres dia di oracion. Tur tres dia tabata tin Santa Eucarestia.

Diasabra dia 29 tabata e gran celebracion di e di 55 aniversario cu un santo sacrificio di misa pa 10'or

di mainta. Durante e misa tabata tin bendicionamento di un cuadro di mosaic di Beato Jose Gregorio Hernandez traha y regala door di Sra. Dulcie Goedge-drag. Masha danki Dulcie. Gradicimento ta bay na pastoor Jan cu a yuda nos. Tambe na e 3 koornan cu a toca pa nos Amor pa mi Hesus, Mensahe di Hesus y koor Santa Famia.

Pastoor Angel (Venezolano) a bin di Corsou dia 27 pa yuda nos cu e celebracion y diabierna el a sorprende

nos tur cu e azeta pa enfermonan.

Nos por mira atras ariba un bunita celebracion y contento nos ta cu nos pueblo a asisti tur e dianan. Nos directiva ta yama danki na tur cu a coopera cu nos di

un forma of otro, pa nos por a celebra e fecha bunita aki. Tambe nos ta gradici e grupo musical Tradicion Tropical, cu a sa di etretene tur hende durante e brindis, hopi bendicion pa boso tur.

Nos deseo ta, di haya ho-

bennan pa por sigui cu e bunita trabao aki, ya cu casi nos tur ta hende grandi caba. Nos ta invita tur hende pa por asisti na nos oracion o misa, tur diaranson anochi 7'or. Y nos Sitio ta habri tur dia di 7.30 am pa 7.00 pm.



## Chauffeur di un Honda noa regula su velocidad ni mantene distancia riba caminda muha y a bay dal tras di pick-up



Diaranson mainta a drenta informe di un accidente na Meiveld, mesora a dirigi un

patruxa na e sitio. Na yegada di e patruxa a bin compronde cu aki ta trata di un

accidente unda e chauffeur di un Honda no a regula su velocidad ni a

mantene distancia riba e caminda muha y na momento di a brake e auto a slip bay

dal tras di e pick-up. Afortunadamente ningun hende a resulta herida.

## Dama no kier laga e homber bay si e no dune su yabi pa habri porta



Diaranson madruga a drenta informe di un problema na Blue Village, mesora a

dirigi un patruxa na e sitio unda un security lo tin un problema cu un pareha

den discucion. Na yegada di e patruxa a bin compronde cu e dama no kier



laga e homber bay mirando cu e homber tin yabi di e muher y e kier bay pasobra e no kier tin nada mas cu e muher pa e anochi ey. Polis a intermedia ya cu e paña di e homber y su cartera ta den e apartamento polis a escolte pa e piki su cosnan y bay.

**Clasificados**

CLASSIFIEDS

SOLODIPUEBLO@GMAIL.COM  
CEL. 585 9500

SOLO



# Pabien Noord cu nominacion di PHN



E actividad di nominacon pa Poder di Hubentud realisa pa Asociacion Trabou di Hubentud na Aruba (ATHA) a tuma lugu diadomingo dia 7 di juli ultimo y esaki ta di 10 biaha cu ta organis'e. A nomina un total di 57 hoben di edad 13-18 aña, di cual 13 ta forma parti di Pastoral Hubenil Noord (PHN). Nan ta: Jurson, Zion, Aaron, Ethan,

Rachelle, Ceejay, Nathania, Phillip, Daniel, Jurvin, Franklin, Jayden y Rebecca.

Ta asina cu ta nomina un hoben cu a destaca durante 2023-2024 den trabou di boluntario, pero tambe riba diferente otro tereno. Departamento di Cultura Aruba (DCA) ta esun cu a nomina e hobennan di PHN

pa e area di Educacion.

E hobennan di PHN semper a demostra perseverencia den nan empeño pa educan nan mes riba tereno spiritual, cultural, social, creativo. Mayoria ta misdienaar, lector y ta eherce diferente otro tarea, no solamente den parokia Sta. Anna, sino tambe den otro parokia. E miembronan di PHN ta

participa boluntariamente na diferente charla, workshop, seminario, retiro, etc.

PHN ta gradici un y tur cu

a bin apoya nos hobennan na Tropical Bottling Garden na Balashi y ta felicita Noord cu nominacion y logro di PHN!



# Polis a bay Rancho pa un pelea formal y posiblemente cu arma



Diaranson madruga a drenta informe di un pelea formal y posiblemente lo tin arma envolvi, mesora a dirigi patruyanan na e sitio. Na yegada di e patruya a bin compronde cu aki lo ta trata un pelea cu a cuminsa unda un ex- bay na cas di e muher y busca problema cu e muher y su pareha nobo y esaki a bay termina na Ranchostraat. Polis a busca wak si lo por tin arma envolvi pero esaki no ta e caso. Polis a interveni y a mustранan































e camindanan pa cana sea por entrega keho di y tambe cu si nan ta de agresion y maltrato.



8							
		3	6				
	7			9		2	
	5				7		
				4	5	7	
			1				3
		1					6 8
		8	5				1
	9					4	

			8		3		5	4	
3				4		7	9		
4	1					8			2
	4	3	5		2		6		
5									8
	6		3		9	4	1		
1			8				2	7	
		5	6		3				4
	2	9		7		8			

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado : Sorteo 10 July 2024 Merdia			
		Sorteo #	Joker Letter
Sorteo # 4322		0 x Jackpot	Proximo Jackpot
0644		0 x Match 4+	1.500.000,-
4138		0 x Match 4	
3247		0 x Afl. 12,00	
			
X3			
		Sorteo #	Proximo Jackpot
Sorteo # 4322		0 x Jackpot	85.000,-
4949		0 x Match 4	
		0 x Afl. 8,00	
FP			
		Sorteo #	Mega Ball
Sorteo # 2378		0 x Jackpot	Proximo Jackpot
8421		0 x match 4	350.000,-
		0 x Afl. 500,00	
		0 x Afl. 50,00	
		0 x Afl. 15,00	
Sorteo # 4322		Afl. 460.000,-	
1042			
Piscis			
		Sorteo #	
Sorteo # 1196			
360			
			
X5			

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado : Sorteo 09 July 2024 Anochi			
		Sorteo #	Joker Letter
Sorteo # 8289		0 x Jackpot	Proximo Jackpot
0726		0 x Match 4+	1.500.000,-
5616		0 x Match 4	
1653		0 x Afl. 12,00	
		07-15-16-26-27	
X2			
		Sorteo # 8527	Proximo Jackpot
Sorteo # 7333		0 x Jackpot	85.000,-
8782		16 x Match 4	
		171 x Afl. 8,00	
FP			
		Sorteo # 2038	03-21-23-25
Sorteo # 2038		0 x Jackpot	Mega Ball 07
4559		0 x match 4	Proximo Jackpot
		3 x Afl. 500,00	350.000,-
Sorteo # 6092		59 x Afl. 50,00	
5592		88 x Afl. 15,00	
Libra		Afl. 460.000,-	
		Sorteo #	
Sorteo # 1022			
649			
			
X2			



# Posibel intento di atraco riba joyeria den Hendrikstraat



Diaranson mainta a drenta informe di cu tin 2 persona sospechoso cu capuchon ta purba y kier drenta na un joyeria na Hendrikstraat, mesora a dirigi un patruya



na e sitio. Na yegada di e patruya a bin compronde cu aki ta trata di 2 hoben sospechoso un cu capucho berde y e otro cabey krul color bruin cla cu tabata na e porta ta purba ranca esaki pa drenta pero como cu ainda no tabata e ora di

habri esaki tabata na lock y nan no por a drenta. Polis a haya un bon descripcion di e sospechosonan y a sali en busca di nan. Mas laat despues polis lo haya e foto di e sospechosonan capta pa e camara di seguridad.

## Despues di 2 accidente atardi na Pos Chikito y cu trafico pega a sosode un di tres



Dialuna atardi despues di e 2 accidentenan cu a sosode na Savaneta y Pos Cikito a sosode un di tres accidente. Pero aki esnan envolvi den

e accidente nan mes a regle cu otro mirando e daño ta limita y trafico ta hopi pega y a cancela polis.

HOTLINE



744-0444

CAPT'E  
Y MAND'E



12:35 PM

Di Pueblo



FORTALEZA PA FAMIA

Scirbi pa Pastor Marcel Balootje.

TA MOMENTO PA TUR MAYOR UNI DEN  
ORACION PA NAN YUINAN

E enemigo cual ta e diabel, ta busca tur forma pa mayornan no uni den oracion, ta parce cu hende por haci tur cos hunto pero ora yega e momento di dobla rudia dilanti di Dios semper ta sali excuus y distraicion, pero ora un homber y su muher dicidi di hunto dobla nan rudia dilanti di Dios pa nan famia, cosnan grandi ta sosode.

Pasobra caminda tin union eynan Dios su bendicion ta baha,y ta algo cu cada homber y muher uni den matrimonio mester experencia. Y e ta remarcabel den un cas caminda e mayornan ta ora hunto pa nan yuinan, y den un cas caminda mayornan ni un momento so no tin tempo pa haci oracion hunto, semper ta bin un excuus y tiramento di falta riba otro.

Un pareha cu ta haci oracion hunto tin un bida di confiansa cu otro, pasobra nan sa cu tur locual cu nan tin mester ta bini di Dios( Salmo 121), pero un pareha cu ta laga e enemigo cohe bentaha entre nan y separa nan di haci oracion, ta un fuente di discucion.

Intimidad Spiritual , of mihor bisa bida di oracion ta bini prome cu intimidad sexual, pasobra ora bo relacion cu Dios no ta bon, e tin efecto riba bo bida sexual como pareha, pa motibo di e discucionnan bobo cu ta presenta cada momento, especialmente tiramento di falta riba otro y falta di pordon,of treciendo cosnan bieu cada rato, pa asina purba domina otro.

Sin un bon union spiritual den cas ta dificil pa dirigi un famia, pasobra ora e enemigo no por ataca e mayornan e ta ataca e yuinan,

y e mayornan mester pidi Dios disernimiento pa compronde esey, pasobra di otro forma nan no ta comprende e situacion.

Palabra di Dios ta bisa: Y lo Mi duna nan un curason y un caminda, pa nan tin semper temor di Mi,pa nan mes bon y pa bon di nan yuinan despues di nan,( Jeremias 32:39).

Pasobra Ami ta Señor bo Dios,Kende ta sostene bo man drechi,Kende ta bisa bo. No tene miedo lo Mi yuda bo.Señor ta declara, y Bo redentor ta esun Santo di Israel.( Isaias 41:10).

Segun e yuinan ta creciendo e mayornan mester bini dilanti di Dios y pidi Dios duna nan sabiduria, pa lanta y guia den caminda di Señor e yuinan cu Dios a confia nan cune, pasobra tur mucha ta di Señor.

Sin sabiduria di Dios, cu un mente materialista, pensando riba placa, auto y paranda ta dificil pa lanta muchanan den un mundo caminda diabel ta bini pa horta , mata y destrui( Juan 10:10).



Pasobra Señor Dios ta un solo y un escudo,Señor ta duna gracia y gloria, E no ta keda sin duna loke ta bon, na esnan cu ta cana den rectitud.( Salmo 84;11)

Y como mayor ta nos deber pa lanta nos yuinan den rectitud, formando asina muchanan integro pa nos comunidad. Y esey solamente por sosode si nos lanta nan den e caminda di Dios.

E gera contra matrimonio y famia ta grandi, y nos lucha no ta contra carni y sanger,pesey nos mester entrega nos bida y esun di nos famia completamente na Señor pasobra Romanonan 8:1

ta bisa; No tin condenacion pa esnan cu ta den Cristo Hesus. Pesey den Cristo Hesus nos ta mas cu vencedor. Y no tin nada pa separa nos for di e amor di Cristo Hesus.


Ta un urgencia pa tur mayor uni den oracionan pa nan yuinan y asina proteccion di Dios lo ta riba nan bida.



FUNDACION VENERABLE  
JOSE GREGORIO HERNANDEZ  
TANKI LEENDERT 128

TA INVITA


Nos Devotonan di Santisima Birgen Maria Rosa Mistica y henter nos pueblo di Aruba pa asisti na un santo sacrificio di misa



DIASABRA 13 di July 2024  
Ta cuminsa 9.0r AM resa e rosario di Maria Rosa Mistica. Y despues ta sigi cu e misa

ORA : 10.0r di MAINTA  
Lugar : Sitio di Oracion Tanki Leendert 128

Boso presencia ta altamente aprecia




OLIVE TREE'S  
PRE-PAID  
FUNERAL PLAN

PAY AS YOU CAN

Piedraplat ☎ 582 0000  
Sanicolaas ☎ 584 8888 | 5820000  
Habri dialuna pa diabierna | 8:00am-4:00pm

Olive Tree Social Department ☎(+297) 743 7411  
www.olivetreefuneralhome.com

ORACION DI DIA



Un dia fructifero carga cu gracia y bendicion di Dios.

E ora ey El a bisa su discipelnan: "Cosecha ta grandi, ma trahado ta poco". Mateo 9, 37.  
Kico Hesus kier bisa cu esey? E cosecha ta e multitud di pueblonan rond mundo y poco trahadonan ta e escasez di maestronan pa siña nan e Palabra di Dios.

Anos lo ta dispuesto pa yuda un otro den nan sufrimento y debilidadnan? Ta e misericordia di Dios den nos curason lo impulsa nos pa dal e prome stap cu balentia pa yuda e ruman p'e por sana su heridananan.

Señor ta doño di e cosecha y nos tur cu ta lesa e Palabra di Dios, anos cu ta bay tur diadomingo pa scucha su Palabra, anos ta e prome yamanan pa sali y bay conta na cas, den nos famia, na nos trabou y na tur caminda cu nos tin un Dios bibo, cu ta cu nos pa medio di su Spirito Santo cu ta duna nos e balentia y curashi. Nos fe y confiansa den Dios cu lo resalta den nos testimonio di bida, cu si  
El a lanta mi di mi enfermedad, di mi esclavitud y di mi depresion, E por haci'e pa bo tambe. Tuma e decision y busca e doño di cosecha pa E por yuda bo bira un bon trahado den su cunucu.

Oracion : Señor, haci mi un bon obrero den bo cunucu y semper refleha e amor di Cristo.  
Amen.